



МОНГОЛ УЛСЫН САНГИЙН САЙД
Ч.ХҮРЭЛБААТАР ТАНАА

**МОНГОЛ УЛСЫН УУЛ УУРХАЙ,
ХҮНД ҮЙЛДВЭРИЙН САЙД**

15160 Улаанбаатар хот, Чингэлтэй дүүрэг,
Нэгдсэн үндэстний гудамж 5/1, Засгийн газрын II байр,
Утас: 32-63-67, Факс: (976-11) 31-13-81,
<http://www.mmhi.gov.mn>

2020. 06. 25 № 01/1690
танай _____-ны № _____-т

Үндсэн чиглэлийн хэрэгжилтэд
хийсэн хяналт шинжилгээ, үнэлгээний
тайлан хүргүүлэх тухай

Хөгжлийн бодлого төлөвлөлтийн тухай хууль, Засгийн газрын 2017 оны 89 дүгээр тогтоолоор баталсан “Бодлогын баримт бичгийн хэрэгжилт, захиргааны байгууллагын үйл ажиллагаанд хяналт-шинжилгээ, үнэлгээ хийх нийтлэг журам”-ыг тус тус үндэслэн Монгол Улсын эдийн засаг, нийгмийг 2020 онд хөгжүүлэх үндсэн чиглэл дэх Уул уурхай, хүнд үйлдвэрийн сайдын эрхлэх асуудлаар тусгагдсан зорилт, арга хэмжээний хэрэгжилтэд жилийн эцсийн байдлаар хийсэн хяналт-шинжилгээ, үнэлгээний тайланг хүргүүлж байна.

Монгол Улсын эдийн засаг, нийгмийг 2020 онд хөгжүүлэх үндсэн чиглэл дэх тус яамны дангаар хэрэгжүүлэх 4 арга хэмжээ, 14 шалгуур үзүүлэлтийн биелэлт нь 2020 оны эхний хагас жилийн байдлаар 49.2 хувийн хэрэгжилттэй байна.

Хавсралт:

1. УУХҮЯ-ны Удирдлагын зөвлөлийн 2020 оны 6 дугаар сарын 25-ны өдрийн хурлын тэмдэглэл 1 хуудас;
2. Монгол Улсын эдийн засаг, нийгмийг 2020 онд хөгжүүлэх үндсэн чиглэлийн хэрэгжилтэд хийсэн хяналт-шинжилгээ, үнэлгээний танилцуулга, хавсралтын хамт 137 хуудас.

Хавсралт 138 хуудастай.



Д.СУМЪЯАБАЗАР



УУЛ УУРХАЙ, ХҮНД ҮЙЛДВЭРИЙН ЯАМНЫ
УДИРДЛАГЫН ЗӨВЛӨЛИЙН ХУРАЛДААНЫ
ТЭМДЭГЛЭЛЭЭС

2020 оны 06 сарын 25 өдөр

Дугаар 09

Улаанбаатар хот

Уул уурхай, хүнд үйлдвэрийн яамны Удирдлагын зөвлөлийн 2020 оны 02 дугаар сарын 25-ны өдрийн хуралдааны тэмдэглэлд:

ХЭЛЭЛЦСЭН НЬ:

Монгол Улсын эдийн засаг, нийгмийг 2020 онд хөгжүүлэх үндсэн чиглэлийн хэрэгжилтэд 2020 оны эхний хагас жилийн байдлаар хийсэн хяналт-шинжилгээ, үнэлгээний тайланг Хяналт-шинжилгээ, үнэлгээ, дотоод аудитын газрын ахлах шинжээч Н.Баатар хийв

ШИЙДВЭРЛЭСЭН НЬ:

Монгол Улсын эдийн засаг, нийгмийг 2020 онд хөгжүүлэх үндсэн чиглэлийн хэрэгжилтэд 2020 оны эхний хагас жилийн байдлаар хийсэн хяналт-шинжилгээ, үнэлгээний тайланг холбогдох журмаар тогтоосон хугацаанд нь Сангийн яаманд хүргүүлэхээр шийдвэрлэв.

ТӨРИЙН НАРИЙН БИЧГИЙН
ДАРГА

НАНДИНЖАРГАЛ



**МОНГОЛ УЛСЫН ЭДИЙН ЗАСАГ, НИЙГМИЙГ 2020 ОНД ХӨГЖҮҮЛЭХ
ҮНДСЭН ЧИГЛЭЛИЙН ХЭРЭГЖИЛТЭД ХИЙСЭН ХЯНАЛТ-ШИНЖИЛГЭЭ,
ҮНЭЛГЭЭНИЙ ТАЙЛАН**

/2020 оны эхний хагас жилийн байдлаар/

2020 оны 06 дугаар сарын 19-ний өдөр

НЭГ. ХЯНАЛТ-ШИНЖИЛГЭЭ, ҮНЭЛГЭЭНИЙ ЗОРИЛГО

Хяналт шинжилгээ, үнэлгээний зорилго нь Улсын Их Хурлын 2019 оны 54 дугаар тогтоолоор баталсан Монгол Улсын эдийн засаг, нийгмийг 2020 онд хөгжүүлэх үндсэн чиглэл дэх Уул уурхай, хүнд үйлдвэрийн сайдын эрхлэх асуудлаар тусгагдсан зорилт, арга хэмжээг шалгуур үзүүлэлт тус бүрээр нь хяналтанд авч, гүйцэтгэлийн зорилтот түвшинг хүрсэн түвшинтэй нь харьцуулан үр дүнг үнэлэх, дүгнэлт, зөвлөмж гаргах, шийдвэр гаргах түвшний удирдлагуудыг үнэн зөв мэдээллээр хангах, төлөвлөсөн зорилт, арга хэмжээг бүрэн биелүүлэхэд дэмжлэг үзүүлэхэд оршино

Монгол Улсын эдийн засаг, нийгмийг 2020 онд хөгжүүлэх үндсэн чиглэлд 20 зорилт тусгагдсан ба Уул уурхай, хүнд үйлдвэрийн яам нь "Эдийн засгийн өсөлтийг дэмжих салбаруудын бодлого"-ын 5 дахь "Геологи, уул уурхай, хүнд үйлдвэрийн салбарын бүтээн байгуулалтыг эрчимжүүлж, ордуудыг эдийн засгийн эргэлтэд оруулах замаар ажлын байрыг нэмэгдүүлнэ." зорилтын 4 арга хэмжээ, 14 шалгуур үзүүлэлтийг дангаар хэрэгжүүлнэ.

ХОЁР. ХЯНАЛТ-ШИНЖИЛГЭЭ, ҮНЭЛГЭЭНИЙ АРГА ЗҮЙ

Үндсэн чиглэлийн хэрэгжилтийн явцад хяналт-шинжилгээ, үр дүнгийн үнэлгээ хийхдээ Хөгжлийн бодлого төлөвлөлтийн тухай хууль, Засгийн газрын 2017 оны 89 дүгээр тогтоолоор баталсан Бодлогын баримт бичгийн хэрэгжилт, захиргааны байгууллагын үйл ажиллагаанд хяналт-шинжилгээ, үнэлгээ хийх нийтлэг журмыг тус тус удирдлага болгов.

Уул уурхай, хүнд үйлдвэрийн яамны Геологи, уул уурхайн бодлогын хэрэгжилтийг зохицуулах газар, Хүнд үйлдвэр, газрын тосны бодлогын хэрэгжилтийг зохицуулах газрын тайлагнасан биелэлтэнд өгсөн үнэлгээнд дүгнэлт, зөвлөмж боловсруулсан (хавсралт 1-3).

ГУРАВ. ХЯНАЛТ-ШИНЖИЛГЭЭ, ҮНЭЛГЭЭНИЙ ҮР ДҮН

Монгол Улсын эдийн засаг, нийгмийг 2020 онд хөгжүүлэх үндсэн чиглэлд тусгагдсан тус яамны "дангаар" хэрэгжүүлсэн 1 зорилтын 4 арга хэмжээ, 14 шалгуур үзүүлэлтийн биелэлт **49.2 хувьтай**, үүнээс 4 шалгуур үзүүлэлт нь 70 хувь, 9 шалгуур үзүүлэлт нь 40 хувь, "үнэлгээ өгөх боломжгүй" 1 шалгуур үзүүлэлт байна. (Хүснэгт 1)

**МОНГОЛ УЛСЫН ЭДИЙН ЗАСАГ, НИЙГМИЙГ 2020 ОНД ХӨГЖҮҮЛЭХ ҮНДСЭН ЧИГЛЭЛИЙН
ХЭРЭГЖИЛТЭД ХИЙСЭН ХЯНАЛТ-ШИНЖИЛГЭЭ, ҮНЭЛГЭЭНИЙ НЭГТГЭЛ**
(2020 оны эхний хагас жилийн байдлаар)

Хүснэгт 1

№	Арга хэмжээ	Шалгуур үзүүлэлт	Арга хэмжээний биелэлт, хувиар					Хүснэгт Биелэлт /хувиар/
			100	70	40	0	/-/	

ХОЁР.ЭДИЙН ЗАСГИЙН ӨСӨЛТИЙГ ДЭМЖИХ САЛБАРУУДЫН БОДЛОГО								
Зорилт 5. Геологи, уул уурхай, хүнд үйлдвэрийн салбарын бүтээн байгуулалтыг эрчимжүүлж, ордуудыг эдийн засгийн эргэлтэд оруулах замаар ажлын байрыг нэмэгдүүлнэ.								
5.10	Нутаг дэвсгэрийн геологийн тогтоц, ашигт малтмалын тархалтын зүй тогтол, хэтийн төлвийг судлах зорилгоор геологийн судалгааны ажлыг гүйцэтгэх	6		2	4			50.00
5.20	Уул уурхайн салбарын томоохон төсөл хөтөлбөрүүдийн үйл ажиллагааг эрчимжүүлэх	2		2				70.00
5.30	Эдийн засгийн өсөлтийг дэмжих хүнд аж үйлдвэрийн бүтээн байгуулалтын ажлыг эрчимжүүлэх	5			4		1	40.00
5.4.	Газрын тосны бүтээгдэхүүний хяналтын тогтолцоог сайжруулж, Евро-5 стандартын шаардлага хангасан газрын тосны бүтээгдэхүүний импортыг нэмэгдүүлэх	1			1			40.00
Арга хэмжээний тоо болон биелэлт, хувиар		14	0	4	9	0	1	49.20

Үндсэн чиглэлийн зорилтот түвшиндээ хүрээгүй, удирдлага, зохион байгуулалт, хариуцлагыг сайжруулж, үйл ажиллагааг эрчимжүүлэх шаардлагатай; илүү сайн тодорхойлох шаардлагатай, төсөв хөрөнгийг үр дүнтэй зарцуулж чадаагүй; шалгуур үзүүлэлттэй боловч гүйцэтгэлийг үнэлэхэд хангалттай мэдээлэл байхгүй, гадаад хүчин зүйлээс шалтгаалсан дараахь 10 шалгуур үзүүлэлт байна. Үүнд:

“Эрчимжүүлэх шаардлагатай” 40 хувийн биелэлттэй 9 шалгуур үзүүлэлт

1. **5.1.** Нутаг дэвсгэрийн геологийн тогтоц, ашигт малтмалын тархалтын зүй тогтол, хэтийн төлвийг судлах зорилгоор геологийн судалгааны ажлыг гүйцэтгэх. **5.1.1.** 1:50000-ны масштабын зураглал, ерөнхий эрлийн ажилд хамруулах газар нутгийн хэмжээ, хувиар
2. **5.1.2.** Агаарын геофизикийн судалгааны ажилд хамруулах газар нутгийн хэмжээ, хувиар
3. **5.1.3.** Монгол орны геохимийн 1:1000000-ын масштабын зураг зохиох ажлын явц, хувиар
4. **5.1.4.** Ашигт малтмалын тархалтын зүй тогтол, хэтийн төлвийг судлах сэдэвчилсэн судалгааны ажлын тоо
5. **5.3.** Эдийн засгийн өсөлтийг дэмжих хүнд аж үйлдвэрийн бүтээн байгуулалтын ажлыг эрчимжүүлэх. **5.3.1.** Газрын тос боловсруулах үйлдвэрийн барилгын ажлын явц, хувиар
6. **5.3.2.** Газрын тос боловсруулах үйлдвэрийн түүхий тос дамжуулах шугам хоолойн төслийн ТЭЗҮ-ийг боловсруулах, ажлын явц, хувиар
7. **5.3.4.** Зэсийн баяжмал боловсруулах үйлдвэрийн барилгын ажлын явц, хувиар

8. **5.3.5.** Шууд ангижруулсан төмрийн үйлдвэр болон Төмөртэйн ордын баяжуулах үйлдвэрийн өргөтгөлийн ажлын явц, хувиар
9. **5.4.** Газрын тосны бүтээгдэхүүний хяналтын тогтолцоог сайжруулж, Евро-5 стандартын шаардлага хангасан газрын тосны бүтээгдэхүүний импортыг нэмэгдүүлэх. **5.4.1.** Евро-5 стандартын шаардлага хангасан шатахууны хэмжээ хувиар

“Үнэлэх боломжгүй” 1 шалгуур үзүүлэлт

1. **5.3.** Эдийн засгийн өсөлтийг дэмжих хүнд аж үйлдвэрийн бүтээн байгуулалтын ажлыг эрчимжүүлэх. **5.3.3.** Нүүрс угаах, гүн боловсруулах үйлдвэрийн барилгын ажлын явц, хувиар

ДӨРӨВ. ДҮГНЭЛТ

1. Уул уурхай, хүнд үйлдвэрийн сайдын эрхлэх асуудлын хүрээнд хэрэгжүүлсэн Монгол Улсын эдийн засаг, нийгмийг 2020 онд хөгжүүлэх үндсэн чиглэлийн 1 зорилтын 4 арга хэмжээний 14 шалгуур үзүүлэлт нь 49.2 хувьтай дүгнэгдэв.
2. Геологийн судалгааны ажлуудаар геологийн тогтцын ямар асуудлуудыг шийдсэн, өмнөх шатны судалгаагаар тогтоогдсон үнэт металл, холимог металл, металл бус ашигт малтмал, барилгын материалын, шатах ашигт малтмал, ундрах усны хэдэн илрэл, эрдэсжсэн цэг, геохимийн гажил, геофизикийн гажлыг баталгаажуулсан, шинээр тогтоосон, баталгаажуулаагүй, ашигт малтмалын хэтийн төлөвийн үнэлгээг өснөөр Монгол орны эрдэс баялгийн хэмжээг нэмэгдүүлсэн, хэдэн аймгийн нутаг дэвсгэр дэх түүхэн дурсгалт газар, олдворыг нэгтгэн, мэдээллийг холбогдох байгууллагад хүргүүлсэн байдал зэргийг биелэлтэнд огт дурдахгүй байдал үргэлжилж, геологийн судалгааны ажлын үр дүн, үр өгөөжийг олон нийтэд таниулах талаар санаачлагатай ажиллахгүй байна.
3. Ашигт малтмал олборлон баяжуулах үйлдвэр, газрын тос боловсруулах үйлдвэр нь тасралтгүй, удаан хугацаанд ажиллахад шаардлагатай түүхий эдийн нөөцийг бэлтгэх геологийн судалгааны ажлыг эрчимжүүлэх, хүнд үйлдвэрээ дагасан бүтээн байгуулалтын өмнөх тухайн нутаг дэвсгэрийн цэвдэгшил, газрын гүн дэх хөндийлж, ундны болон үйлдвэржилтийн усан хангамжийн нөөцийг тогтоох инженер геологи, геоэкологи, гидрогеологийн судалгаа, барьж байгуулах үйлдвэрийн хүчин чадал, техник технологи зэрэг асуудлыг бодлогын түвшинд анхаарч, зорилт, арга хэмжээний хэрэгжилтэнд ахиц өөрчлөлт гарч эхэлсэн байна.
4. Яам, агентлагийн мэргэжлийн зарим газар, хэлтсүүд нь хариуцсан асуудлаар тооцоо судалгаа, нэгтгэл, дүн шинжилгээ хийхгүй, албан хэрэгцээнд шаардлагатай материалууд байхгүй, дэлгэрэнгүй тайланг танилцуулга хэлбэрээр хавсаргахад анхаарахгүй, зарим арга хэмжээний хэрэгжилтэнд зарцуулсан хөрөнгө, төсвийг тайлагнасангүй.

ТАВ. ЗӨВЛӨМЖ.

1. Хөгжлийн бодлого төлөвлөлтийн тухай хууль, Засгийн газрын 2017 оны 89 дүгээр тогтоолоор

баталсан Бодлогын баримт бичгийн хэрэгжилт болон захиргааны байгууллагын үйл ажиллагаанд хяналт-шинжилгээ, үнэлгээ хийх нийтлэг журмын дагуу зорилтот түвшин, баримт нотолгоо, зарцуулсан хөрөнгөний гүйцэтгэлд үндэслэн хүрсэн үр дүн, ажлын чанар, үр өгөөжийг дээшлүүлэхэд мэргэжлийн өндөр түвшинд анхаарч, тайлан, мэдээг хугацаанд нь үнэн бодит тайлагнаж хэвших шаардлагатай байна.

2. Улсын Их Хурал, Засгийн газарт батлагдахын өмнөх хэлэлцүүлэг, хамгаалалтанд бодлогын баримт бичгийн төслийг гардан боловсруулсан албан хаагчдыг оролцуулах шаардлагатай байна.
3. Геологи, уул уурхай, газрын тос, хүнд үйлдвэрийн салбарын хэтийн болон дунд хугацааны бодлогын баримт бичгүүдтэй уялдуулан, тооцоо судалгаа, дүн шинжилгээний үндсэн дээр төсвийн хүрээний мэдэгдэл, жил бүрийн үндсэн чиглэлийг боловсруулах шаардлагатай байна.

Хавсралт:

1. Монгол Улсын эдийн засаг, нийгмийг 2020 онд хөгжүүлэх үндсэн чиглэлийн хэрэгжилтийн тайлан (Уул уурхай, хүнд үйлдвэрийн яам), 2020 оны эхний хагас жилийн байдлаар, 11 хуудас,
2. Монгол Улсын эдийн засаг, нийгмийг 2020 онд хөгжүүлэх үндсэн чиглэлийн хэрэгжилтэд Уул уурхай, хүнд үйлдвэрийн яамны зарцуулсан хөрөнгө төсвийн гүйцэтгэлийн нэгтгэл, 2 хуудас,
3. Үндсэн чиглэлийн 5.1, 5.3 дугаартай арга хэмжээний зарим шалгуур үзүүлэлтийн хавсралт нотлох баримтууд, 87 хуудас
Нийт 100 хуудас

УУЛ УУРХАЙ, ХҮНД ҮЙЛДВЭРИЙН ЯАМ

2020 оны 06 дугаар сарын 24-ний өдөр

Хянасан: ХШҮДАГ-ын дарга

 Г.Ганхүү

ХШҮ хийж, дүгнэлт, зөвлөмж боловсруулсан:

ХШҮДАГ-ын ахлах шинжээч


Н.Баатар /2020.06.24/

 200624

Хэрэгжилтийн тайланг нэгтгэсэн:

ТЗУГ-ын ахлах шинжээч

Г.Мөнгөнзул /2020.06.18/

 Г.ч.